



Publicaziuns dalla vischnaunca, jamna 04

Votaziuns federalas e communalas dils 13 da fevrer 2022

L'urna principala en casa communalas ei aviarta sco suonda:
Dumengia, ils 13-2-2022 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 11 da fevrer 2022, allas 14.00**, tier l'administraziun communalas (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (supplicau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 13 da fevrer 2022 allas 11.00 tier l'administraziun communalas.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communalas

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziiau suandonts projects:

2022-2000.000

Willi Wellinger, Föhrenweg 1, 8952 Schlieren; sanaziun dil tetg, parcella 658, Via Sogn Gions 17, 7180 Disentis/Mustér.

2022-2001.000

Rui Miguel De Carvalho Figueiras, Via Cons 5, 7180 Disentis/Mustér; sanaziun digl esch-casa, parcella 779, Via Cons 5, 7180 Disentis/Mustér.

2022-2002.000

Ludoteca Disentis/Mustér e contuorn, Via Cons 4, 7180 Disentis/Mustér; montar ina tabla da reclama, parcella 959, Via Cons 4, 7180 Disentis/Mustér.

Disentis/Mustér, ils 28-1-2022
Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **venderdis, ils 28 da schaner 2022**, allas 20.15 en halla Cons.

Tractandas:

1. Protocol 9-2021/2024
2. Moziun «Il delinquent luf» – Encurir ina sligiazion cun la Regenza grischuna (moziun M1-2021/2024)
3. Lescha davart l'economisaziun dils rufids: Orientaziun e discussiun davart la revisiun totala
4. Ura da damondas (conform ad art. 44 dil regulativ da fatschentas)

Muort las directivas en connex cun Covid-19 ei il diember d'aspectatur limitaus.

Il president dil cussegl da vischnaunca

Alarm d'emprova 2022

Tenor communicaziun digl Uffeci da militar e da protecziun civila dil Grischun ha liug en l'entira Svizra

mesjamna, ils 2 da fevrer 2022,
allas 13.30/13.45 alarm general
allas 14.15/15.00 alarm d'aua

Ei setracta d'alarms d'emprova, tier ils quals ei vegn examinau d'ina vart, sche las sirenas funcziuneschan, e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal alarm general ha in tun che crescha e sbassa e che cuoza ina minuta.

Aschinavon ch'il signal alarm general avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 ed allas 15.00. In tun bass da mintgamai 20 secundas en intervals da 10 secundas.

Aschinavon ch'il signal alarm d'aua avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau. Dils plans cul territori periclitau sa vegnir priu investa tier l'administraziun communal.

Ulteriuras indicaziuns e reglas ein d'anflar sin teletext, pagina 680, ed era egl internet www.sirenentest.ch.

Bien engraziament per Vossa capientscha.
Suprastonza communal Disentis/Mustér



Datas dallas structuradas agricolas, dumbraziun da biestga/animals (Strukturerhebung 2022)

Niev tier la dumbraziun da biestga

Naven digl onn 2022 han ils menaschis buca pli da squitschar ora ils formulars. La dumbraziun da biestga succeda pigl 1. da schaner 2022. Las **registraziuns electronicas** dallas datas ein pusseivlas naven **dils 27 da schaner entochen sil pli tard ils 10 da fevrer 2022**.

Niev pils menaschis da hobi

Per l'emprema gada succeda la dumbraziun dils menaschis da hobi entras la registraziun **electronica** dallas datas. La registraziun via internet succeda naven **dils 17 entochen ils 31 da mars 2022**. Ils menaschis da hobi retscheivan cheutras buca pli ils formulars mellens per la dumbraziun dils animals, ed aschia croda era il termin d'inoltraziun dils documents tier l'administraziun communalala.

Tuts menaschis ed elevaturs/possessurs d'animals (era menaschis da hobi) ch'adempleschan las suandontas cundiziuns, ein obligai d'annunziar ils muvels e las surfatschas da terren, independentamein sch'ei vegn retratg contribuziuns ni buca.

a) Surfatschas:

- 1 ha surfatscha utilisabla agricola
- 30 ha cultura speciala
- 10 ha cultivaziun protegida

b) Animals (naven dad in animal):

- armauls (tschaffada TVD), alpacas, cauras, pors, nuorsas, cavals, asens, gaglinam – naven da tschun animals
- aviuls (naven dad in pievel) p.pl. indiar tut ils ualers, era ils vits
- menaschis da tratga da pèschs

Adatg!

Menaschis agricols che vegnan sliyai si ni surdai en auters mauns enteifer igl onn 2022 ein obligai d'annunziar quei gia ussa culs formulars corrispundents.

Per damondas ed informaziuns stat la secretaria dall'administraziun communalala Ursina Murer-Fatzer (081 920 36 30 ni umurer@disentis.ch) ni era il genau cumpetent Clemens Berther (079 619 11 05 ni cultivaziun@disentis.ch) bugen a Vossa disposiziun.

Ulteriuras informaziuns e formulars anfleis Vus sin la pagina d'internet dil Cantun:
www.alg.gr.ch > Dienstleistungen > Landwirtschaft > Strukturerhebung.

Controlla da habitonts

Naschientscha

Livian Jacomet, naschius ils 23 da schaner 2022, fegl da Bettina ed Andi Jacomet

Mortori

Battesta Huonder-Lutz, naschius ils 10 da mars 1938, morts ils 21 da schaner 2022

Preavis

Medel-Mustér-Tujetsch s'entaupan ella Academia Vivian a Stagias

Cultura, cant e musica da mintga vischnaunca accumpignau cun specialitads culinaricas.

Sontgilcrest, ils 16 da zercladur 2022, allas 16.00

Nus selegrein gia oz sin ina sentupada dalla Sursassiala. Sin stedia participaziun:
las vischnauncas ed uniuns culturalas



Uniun da scursalar e spassegiar Mumpé Medel

Negina cuorsa da scarsola e sliusa da corns 2022

Muort la situaziun actuala entras il coronavirus stuein nus deplorablamein era uonn annullar la cuorsa da scarsola e sliusa da corns.

La scursalada sco tala ei aviarta e porscha fetg bialas relaziuns da neiv. Gudi in bi di ni in per bialas uras a Mumpé Medel.

Nus selegrein da Vossa viseta
Uniun da scursalar e spassegiar Mumpé Medel

Fiera nepalesa sil plaz dil «Catrina Resort»

Il 15 da fevrer 2022, dallas 16.00–19.00

Guids da muntogna e Sherpas dalla Nepal Mountain Ski Academy passentan enzacons dis a Mustér per far in cuors da skis. Ensemen cun els organiseschan las Pendicularas Mustér ina pintga fiera cun products da Nepal sil plaz dil «Catrina Resort» – ina buna caschun dad emprender d'enconuscher la tiara e quei project interessant. Nus selegrein sin Vossa viseta.

Ulteriuras informaziuns dattan bugen las Pendicularas Mustér – info@catrina.swiss
